

四部叢刊

陳應龍文集(三)

282

四部叢刊初編集部

陳迦陵文集

二

湖海樓詩集卷四至卷八
迦陵詞全集三十卷

據商務印書館一九二六年版重印

四部叢刊初編（二八一—二八二）

陳迦陵文集（二冊） 清陳維崧撰

上海書店印行

上海福州路四二四號

上海浦江印刷廠印刷

1969年3月

湖海樓詩集卷四

宜興陳維崧其年著

平湖陸隴其稼書

新城王士禎阮亭

選

崑山徐乾學健菴

德州謝重輝方山

庚戌

寄緯雲四絕句

前年一騎出盧龍正值征衫怯暮冬不及慈仁成執手累
君惆悵立孤松

其二

瑁璫心情那自聊昨秋又上白門橋青衫一領輸春雪雪

總消時恨不銷

其三

四載京華音信稀我爲杜宇勸君歸如何江左催歸鳥轉
向漳河兩岬飛

時余將之鄴下

其四

南雁匆匆欲發時寄君一語淚如絲蘭陵董相埋黃土亟
報憐才相國知

悼文友也文友最爲相鄉所知

經歸德城外追悼侯仲衡先生并寄恭士叔岱

梁園去年花正開江南客子看花來故人留客醉花下春
衫細馬相追陪梁苑重經剛一載故人今日復何在不恨
名花今又開但恨人生不相待君家令弟亦白頭城南徐
五正窮愁早知今日西州慟淚悔當年花下游

題聽客圖爲廣陵蕪與蒼母夫人賦

北風作作雞格格風定鄰燈射簾隙口哺孤兒二十年喜
今兒長能來客客來母喜母復愁人生立德須朋儔不知
兒業視兒友有兒莫與庸人游窓前潛心將客聽聽不聽
聲聽情性但令一語益孤兒白日黃泉並嚴敬家貧路遠
客易饑語兒留客入作糜

郟縣經三蕪臺

在城西北
峨嵋山下

小峨嵋麓春草長遙天亂石爭礪硯平沙沒腰叫布穀野
水掠面搖篋管誰何桓碑立而怒龜趺剝裂莓苔蒼停鞭
恍覩子瞻字乃知學士茲歸藏老泉衣冠亦瘞是藥城坏
土相低昂嗚呼先生古人傑元氣噴薄生文章西風應爲
薦蕪蓼落日何意來牛羊我知先生必大笑揮斥八極排

天間常州汝州游戲耳青山埋骨原秣糠元豐尚且妬翰
墨何況千載經滄桑爾曹浪怨章子厚君不見怪鴟惡木
啼祠堂

登阮籍嘯臺

跨尉氏東城上

柳花撲尉氏殘雪光皚皚歇馬城東門登臨此高臺憶昔
典午世俛仰增悲哀先生鸞鳳音迢然凌氛埃我生千載
餘此地傷遲來阮曲不可見蓬池安在哉吟罷咏懷詩暝
色歸青苔

春晚行洧川道中

春愁赴隼林桃花紅瓦屋洧水一以流垂楊自然綠行行
投前坡人家映溪竹

郊縣使院枕上作

已殘街鼓未天明
櫻笋年光攬客情
最是枕邊聽不得
郊城微月一聲鶯

經葉縣古城

舊葉何時廢
依稀認女牆
風飄征柝細
苔沒古城荒
楚塞驚迢遞
吳天入渺茫
停車一惆悵
不見沈諸梁

昆陽城放歌

今葉縣古
昆陽城

西京恩澤專椒房
徹侯同日封五王
太阿倒柄卯刀折
帝絃解紐炎精亡
赤伏之符在四七
春陵事業真堂堂
王郎盆子盡草竊
大槍銅馬徒披猖
嚴尤何人孺子耳
敢奮螳臂排天間
是日勒兵一百萬
公然大戰滎水旁
窮奇饕餮豺虎狼
驅使百怪如驅羊
長人無霸莫敢當
髻髯蚬蛸烟焰張
誰知天意原有屬
白水識緯非尋常
轟雷掣電忽然

怒挾砂走石如排牆漢軍乘勝一逐北百萬崩塌聲砰礧
力追惡獸出宇宙重挈八極歸珠囊嗟乎我生千載後經
過此地心慨慷茫茫春草如人長聽我歌歌昆陽

南陽懷古八首

中原形勝古巖疆天與名藩控大荒金冊牙幢雄宛葉珠
旗鐵甲走襄陽時來將相丹青在運去關河殿閣荒極目
雲臺總蕭瑟茂陵何獨怨劉郎

過白水

其二

炎精重燼祚將移表軍前再出師憶昔躬耕饒大畧到
今丞相剩空祠三分計就風雲合八陣營高草木知兩地
蒸嘗真不忝錦城廟柏更離披

登臥龍岡

其三

天馬飄飄貢渥洼漢臣持節渡龍沙遂頒博望封名將不
數蕭曹擅世家萬里開邊親鑿空三秋奉使竟乘槎蒼茫
采邑誰相問古驛叢祠蔓野花

經傳
望驛

其四

古廟巍峩石獸蹲胎簪桐栢矗龍門濤衝古岬莓苔圻派
劃長江竹箭渾四瀆躬桓纏虎節百王薪棣薦犧尊從來
淮水稱河胃廷算淡知費討論

桐栢淮
瀆廟

其五

湍水淒淒澣水清商於三戶路縱橫愁因戰壘千端集春
到沙塲幾日晴田父鋤平樊噲塚東風吹老霸王城我來
最有關心事何必經秋恨始生

舞
陽

其六

堵陽景物不勝愁戎角征笳警敗郵老卒負牆談戰伐亂

岡憑碣記田疇

道上桓碑林立大都新墾荒田記實則一里皆草茅白葦絕無所謂田也五更

殘月啼鶯換一片荒城趙水流往事昔人曾設險風前重

倚郡西樓

裕州城上作

其七

碧雞霸府重人豪金馬都堂擁節旄萬里丹崖憑筦鑰三
年綵筆雜弓刀苴蘭質子檳榔酒甕熨降王赤罽袍一自
渡瀘人不返冠軍城結怨雲高

追感彭禹峯先生先生曾參藩滇海

其八

依人自惜鬢毛班兩歲浮沉宛雒間豈待蓴鱸懷故土倍
因櫻笋戀鄉關黃塵遠道雙鴻斷白月孤城匹馬還新野
舊傳庾信地哀時同有淚潺湲

宛城署中咏庭前石榴署係南汝道舊宅

作客看花少空庭得石榴繁花明一樹濃葉暝層樓雨過
丹跗濕春歸頰萼浮亞簷枝輒鞦韆映柱朶嬌羞往事侯門
在奇花絕域求根初栽繡祀影乍落金溝窈窕當三伏軒
窗擬十洲裙多那忍妬院悄任銷愁護日低油幔迎風蹙
綺幃清陰偏澹蕩暈臉最輕柔倏忽成荒院殷勤憶舊游
空房難結子齟齬怕經秋鎖澁鋪苔蘚臺欹叫栗留摘纖
誰攏髻起早記梳頭我亦飄蓬士閑經清水流浹旬勞慰
藉計日動離憂時將去懸瓢家在新羅國來從博望侯故鄉千
萬里開謝任悠悠

見署後牆外榴花兼憶毫陽舊宅倒用前韻一首

誰家紅一院相對意悠悠衫似分中婦門知定細侯漫看

先索筴未折已忘憂蔓弱憑鶯織柯叢任蝶流迢迢當路
口故故出牆頭凝摘前還却頻窺去復留眼明應破夜臉
曼易逢秋遇爾添新感令人憶昔游我家街影靜背水櫓
聲桑堂後峯千笏欄西月滿幃此花開最艷入夏不曾愁
宙窕垂隣壁扶疎蔭隔洲子多宜繡戶果熟溢金溝舊宅
多時換名葩何處求賃春前路拙乞食壯顏羞客夢歡重
見家緣恨轉浮此生辭畫屋屬咏寄彤樓不及梁間燕朝
朝啄海榴

宛城咏古

朝出宛城西古墓何纍纍太息塚中人云有百里奚荒塗
叢穉貉古壙嗥狐狸消水流其前空宅亦在茲於戲秦大
夫志行何經奇暑勞廢蓋乘功烈張西陲當其貧困日獲

落成纖微束縛壯士心浮沉屠僧兒英謀算馬齒賤業貪
羊皮污鄙若無用深沉將有爲三復屢歌曠野天風悲
其二

生世事不諧乃值離亂秋結髮讀詩書歲月忽已邁出門
狗衣食渙忍增我羞腐鼠或見嚇鴻雁思其儔憶昔東漢
季時事徒紛糾閹人暨外戚此輩難與謀鬱鬱張平子端
居詠四愁

其三

驅車泚河陰縶馬昆水陽荒塗一直視曠野惟白楊齒豁
骨樹根搖潦汗縱橫舊鬼不復悲新鬼或自傷驚沙一以
吼白日蘊晶光我時問耕夫皆云古戰場人民糜爛盡姓
氏登旂常顧此勿復言憂來浩無方如何用人命藉以成

侯王卓犖嚴夫子垂釣臨滄浪

其四

峩峩南陽城鬱鬱樊重宅赤璫作庭甃青珉作堦石驅使
及神鬼關通半賓客嗚呼母后家勢焰頗薰炙榮華有代
謝時世遞催迫至今繚垣邊隱隱土花碧

其五

穰侯太后弟權大主亦震性惡諸侯客往往恣排擯無何
王稽車陰載范雎進危言悟昭王抵巇復乘轡倏忽封應
侯功名一朝振詎知羈鼻人傍更睨其印

其六

東海有郟城乃生徐僕射北齊庾蘭成家本在新野前年
游山東道經郟城下今年客宛城義陽距一舍六朝綺麗

人萬古松楸夜文筆空飛騰水雲極悲咤

汝寧雜感

莽莽平輿對水開年年汝水抱城隈已拚客到中原老更
值秋從絕嶂來沙接郡樓寒拂檻風傳戍鼓暮啣杯秦川
公子飄蓬甚廢宅重經祇自哀

郡有王
繁宅

其二

繚垣榭葉亂熒熒鎖院陰沉薜荔青爲怯深愁消短燭獨
携橫笛上空亭關山瀕洞么絃斷身世蒼茫急拍停忽憶
寢丘蘓處士白頭江海恨飄零

蘓崑生固始
人精於南曲

其三

鉤罷風簾夜氣清樓頭北斗掛簷楹一年弟妹鄉書斷雙
眼乾坤物態更名士汝南多舊蹟將軍新息剩空營可憐

砧杵依微裏已有征鴻度郾城

其四

魏祖南征汙漢來翠華饗士此高臺水如懸瓠誇天府詩
闢江蕭擅霸才落日孤城幢蓋動西風千騎鼓笳催飛揚
意氣今誰在漫溯寒流首重回

府城內有方丈竹堂爲後
魏高祖幸懸瓢亭從官處

其五

神堯天子奠金甌奕葉屏藩職貢修詎料長淮驅虎逞翻
貽其主廟廊憂精兵十道屯洄曲大雪三更壓蔡州盛事
恰須誇述作韓碑柳雅並千秋

其六

潯河流水正潺潺絕險長誇真阨關地入楚天雄九塞路
圍申戍斷千山蕭蕭朔吹城猶在漠漠寒空鳥自還猶是